

Puiso ya Moaposetole wa Kgaolo Kriel mo NACTV, 07 Seetebosigo 2020

Ketapele

Kitsiso e ke molaetsa wa maloko a rona mo South Africa, Lesotho, Botswana, eSwatini & Namibia

Santlha, ke eletsa goleboga badiri botlhe ba ba eteletsengpele go lwantsha bolwetsi le botlhe ba ba dirileng gore re kgone go itshokela nako e ya kiletso mesepele. Keleboga baagi botlhe ba ba tshegtsang ditaolo le go apara dibipa molomo le dinko, go tlhapa diatla kgapetsa le go katologana. Mogare o tla nna o ntse o na le rona. A re ithuteng go tshela le one.

Re tswelela go rapela gore molemo o bonale ka bonako. Go fitlhela nako eo, se se eletsegang ke go thibela kanamo. Fa mongwe le mongwe a dira jalo, go tla nna molemo mo go rona rotlhe.

Mafoko a malebogo

Ke rata go fitisa MALEBOGO A MAGOLO go ba le bantsi ba ba tlamelang bathhoki. Mo nakong e, kemonokeng ka tshidilo-maikutlo e botlhokwa jaaka go tlamela dijo tsa mmele wa tlholego. Bontsi ba bodutu ka ba esi, bontsi ga ba na kemonokeng ya tshidilo-maikutlo mme ba itebaganya le kwelotlase ya maikutlo e e bakwang ke segajaja fa ba le mo serubing.

Keleboga Batsadi, barutabana ba Sekolo sa Tshipi le badiredi ba ba dirang bontle jo bogolo go naya bana ba rona dthuto ka maiteko a go ithutela kwa lwapeng. Ke la ntlha dithuto tse di le mo dipuong tsothe tse di diriswang mo kerekeng ya rona.

Banana ba tswelela ka go kgatisa le go emananokeng mo Nakong e.

Baeteledipele ba moopelo ba tsweletse ka go bona gore baopedi ba nna ba le tlhaga ka nako e. Mo go nayang boitumelo jo bogolo go botlhe.

Re leboga botlhe ba re tlhakanetseng le bone kgaso ba ba re letang go anamisa ditirelo tsa rona. Ka Tshipi mongwe le mongwe, re fitlhelela bareetsi ba le makgolo a a dikete-kete ka Internet, satellite, serumamuwa, le ka kgaso ka mogala.

E le ruri ke leboga badiredi ba ofisi ba bafetotseng mantlo a bone go nna lefelo le lesa le ba direlang mo go lone. Ke leboga le ba malwapa a bone, ka gonne e ke tsela entsha ya go bereka re le mo segajajeng sa corona. *Ke dumela gore rotlhe re dira ka thata mo nakong e ...* Re mo seemong sa bofelo sa go dupa dibuka tsa rona gangwe ka ngwana ke ba komponi ya Deloittes mme ke la ntlha ngwaga ono re nna le go dupa dibuka ka tlhaeletsanyo. Ke leboga botlhe ba go neng go tlhokega gore ba dire go feta selekanyo.

Tshimolodiso ya Ditirelo

Rotlhe re a itse ka kitsiso ya Tautona wa Aforika Borwa gore dikereke tsotlhe di leteleletswe go bolela kwa ditirelong go tloga ka 1 Seetebosigo 2020 ga tlase ga ditaolo dingwe. Ditaolo tse di akaretsa:

- go tsena ga batho ba ba sa feteng palo ya 50
- go tlathobiwa ga mogote wa mmele kwa tirelong ngwe le ngwe
- potsoloso ya tsa botsogo fa motho a tsena kwa kerekeng
- thulaganyo ya go tlhapiso maloko diatla le didirisiwa tsa teng
- go ipipa molomo le dinko ka letsela
- ga gona go opela ka setlhopha
- ga gona kamano le peo diatla
- taolo ya seemo fa go ka fitlhelwa molwetsi

Morago ga dipuisanyo tse di tseneletseng, re tsere tshwetso ya gore re tshwanetse go tsaya kgato ya go boela kwa ditirelong ka matsetseleko a magolo. Re tshwanetse go elatlhoko gore ga redirolole ditlhabelo tsotlhe tse di dirilweng ke bontsi go fitlhela jaana. Gompiano boammaarui jo bo bonalang jwa ba-botsogo bo supa koketsego ya ba ba tsenwang ke mogare le selekanyo sa dintsho. Mafelo a re nang le palo e e kwa godimo thata ya maloko ke one mafelo ao gape a nang le ditirafalo tse di kwa godimo tsa COVID-19.

Ka go leba tse di setseng di builwe, ke tsere tshwetso mmogo le Baaposetole le Bobishopo gore ga re ketla re boela kwa ditirelong mo go Seetebosigo le Phukwi 2020. Mo ga go raye gore re tlaa boela ka Phatwe. Re tlaa sekaseka seemo le go lo itsise.

Re tlaa dirisa nako e go baakanya dikereke tsa rona le go ruta badiredi ba rona gore re kgone go dirafatsa TSOTLHE tse molao o di tlhokang.

Ditirelo tsa phitlho

Melao yotlhe e e setsng e buile ya tsamaiso ya ditirelo e dirisiwa le kwa diphithlong. Hano ke rata ka gakolola gore fa go kgonega go nne le palo e e kwa tlase ya balalediwa ba a tsenang phitlho. 50 ga se boikaelelo mme ke tekanyetso. Mo malatsing a sekae a a fitileng, re nnele le ditirafalo tsa maloko ba ba neng tseneletse diphitlo mme bana le mogare wa COVID-19. Mo go tlišitse kwelotlase ya maikutlo a bangwe ba baneng ba tsenye diphitlo tseo, kereke e ne ya dirisa tsamaiso ya go tlhapa diatla le golatela maloko ba go nna jalo mme ba-botsogo jaanong ba mo tirong ya go ba latela go thibela kanamo. Mo ditirafalo tse di setseng di boletswe maloko bane ba sa supe dikai depe. Mo lobakeng lo, go leteletswe go anamisa ditirelo tsotlhe ka tlhamalalo – tswée-tswée dirsang tsela eo.

Fa ke ntse ke bua ka diphitlho; gakologelwang gore dituelo tsa ngwaga tsa diphitlho di tshwanetse go duelwa pele ga 30 Seetebosigo 2020.

Ke eng se o ka se solofelang mo nakong e?

1. Re tlaa tswelela ka kgaso ya ditirelo tsa rona gotswa ko Cape Town le Johannesburg jaaka re dira fa e sale go nna le kiletso mesepele. Re atlolosa go lo naya dipuo gore motho a kgone go utlwa lefoko la Modimo ka puo ya ga gabo. Gompiano, gona le maloko ba re sa kgoneng go goroga kwa go bone ka methale e e teng ya kgaso. Gape re tlaa dirisa nako e gobatla ditsela tse dingwe go netefatsa gore ga go ope yo salelang kwa morago. Re ikaela go netefatsa gore maloko botlhe ba amogela tshoboko ya ditirelo tsa rona mo Nakong e. Hano ke eletsa go lo gakolola gore lo tlhomamise di aterese tsa lona tsa email le megala ya letlheka gore lo amogela ditlhaeletsanyo tsotlhe tse di tswang ko kerekeng.

Jaaka ke itsisitse pele, re tlhomile komiti kgolo e tiro ya yone e leng go gakolola mo go tse di lebaganyeng le go boela ga rona kwa ditirong tsa kereke. E ntse e bereka ka tlhaga mo dibekeng tse di fitileng e ntse begela Baaposetole bo Bobisho kwa phuthago ya beke le beke ya Baaposetole le Bobishop. Kitso e e feletseng ka ga dikgato tsa phuthago ngwe le ngwe jalo le dithuto tsa badiredi di tlaa itsisiwe Tlhogo ya phuthago ya lona.

2. Tshutiso e nngwe e e dirilweng ke Tautona ke go dira badiredi ba kereke go nna badiri ba ditiro tse di bothokwa. Re amogetse tshutiso e ka mabogo oo mabedi. Le fa go ntse jalo, tshutiso e ke ya Aforika Borwa fela.

Mo New Apostolic Church Aforika Borwa, badiredi botlhe ba Boperesiti ba ba mo tirong ba leteleletse go nna badiri ba ditiro tse di di bothokwa. Mo ga go raye gore jaanong ba ka etela malwapa a maloko ba lebagana nabo. Mo go diretswe gore fa gona le tirafalo ya tshoganelo ya semowa e e ka se ralabololwe ka tsela epe ya tlhaleletso, moperesiti o kgona go ikgolaganya le maloko a gagwe.

Melao e e dirisiwang kwa dikereke e ama le bone Baperesiti go akarediwa le go tlhapa diatla, go ipipa molomo le dinko ka letsela le go katologana.

Disakamente le Tshegofatso

Selalelo se se Boitshepo – ga se letelelwe ko lwapeng gongwe kwa dikerekeng go tlaa itebagangwa le sone fa molao letla.

Kanelo ka Mowa o o Boitshepo – ga e letelelwe kwa lwapeng gongwe kwa dikerekeng go tlaa itebagangwa le gone fa molao o letla.

Selalelo se se Boitshepo – E re ka gona le kgonagalo e e kwa godimo ya kanamo ya COVID-19, ga re ketla re keteka Selalelo se se Boitshepo mo nakong e.

Rotlhe re tlhologeletswe go keteka Selalelo se se Boitshepo. Mo go ba ba letileng kolobetso ya bana ba bone Kanelo ka Mowa o o Boitshepo, ke eletsa go lo gomotsa ka go lo tlhomamisetsa gore Modimo o itse seemo se sa rona. Tshegofatso ya gagwe le lorato lwa Jesu di tlaa nna le rona.

Ditihelo tsa tshegofatso

Tshegofatso ya manyalo, segopotso sa manyalo, Tshegofatso ya boimana le ditiro tsotlhe tse dingwe tsa badiredi ga di letelelwe ka nako e.

Ba ba eletsang go dirafatsa manyalo a bone ka fa molaong, ba ka dira jalo ko lwapeng gongwe kwa kerekeng ka therisanyo le ofisi ya manyalo. Mo Aforika Borwa, go kailwe palo ya batho e e sa feteng 5 (monyadisi, banyadi le basupi ba le babedi).

3. Dikabelo

Ke rata go tsaya seba se goleboga botlhe ba ba tswetseng go ntsha dikabelo ka boikanyego ga tlase ga kgatelelo e kgolo.

Re lemoga gore bontsi jwa maloko a rona go ntsha dikabelo tsa madi gontse go retela. Ba bangwe ba fodugetse kwa go aba ka maranyane. Ke a lo gakolola gape, kereke le yone e eletsang gore gonne jalo ka gonne mo go tla go tsena mo diphatseng tsa go tsamaya o tshotse madi le go a tshwarwa ka diatla.

Go fetola maloko a rona ba ka eletsang go lere dikabelo tsa bone mme ba ka se dire jaka ka maranyane, ke itumelela go lo gakolola gore re dirile tumalano ya go dirisanya le Easy Pay. Jaanong maloko ba ka tsenya dikabelo tsa bone kwa marekisetso a a fetang 9,500 go ralala Aforika Borwa.

Ditlhogo tsa lona tsa diphuthogo le Baperesiti ba tla amogela mokwalo wa ka fa lo ka dirisang tsela ya go nna jalo ka teng. Tota nka bua ke re, lo ka boloka dikabelo tsa lona mo marekisetso otlhe mo Aforika Borwa (ka go tlhoka lesego thulaganyo e ga e yo kwa Botswana, eSwatini, Lesotho, Mozambique, le Namibia). Ke tlhologanya gore e ke phethogo e kgolo mo go rona. Re tlaa nna re le mo thutong e e reng, dikabelo tsa rona ke tiro ya malebogo a rona mo Modimong; le sesupo sa tumelo le boikanyo jwa rona mo go one. Mo go ba re sa kgoneng go ntsha dikabelo ka maranyane, thulaganyo e e dirilwe ka gonne go tshwara madi le gone gona bodiphatsa jwa go ka tsenwa ke COVID-19.

Mo go ba iphitlelang mo seemong sa botlhokasego mo e leng gore ga ba kgone go ntsha dikabelo ka mabaka le a ka nnang afe. Ke batla go tlosa maikutlo a go ipona molato a lo ka tswang lo na le one. Tswee-tswe itseng gore re rapela malatsi otlhe gore seemo se tokafale. Morena o itse pelo tsa lona mme letsogo la gagwe ga le a khutswafala go lo segofatsa.

4. Madi a kereke

Kereke e bona letseno la yone gotswa mo dikabelo tsa boikanyego tsa batho ba Modimo. Go boammaaruri gore letseno la kereke le wetse tlase thata mo dikweding di le mmalwa tse di fitileng.

Nka tlhomamisa gore re fukuditse ditshenyegelo tsa rona tsotlhe tsa go dira tiro mme ka ntlha ya gone moo badiri botlhe ba ofisi ba dirile setlhabelo sa dituelo tsa bone.

5. Dikitsiso

Tirelo ya Moaposetole yo Mogolo – ka di 14 Seetebosigo ka 09h00, gotsweng Strasbourg e le ya Zambia – e tlaa tshwarwa ka Sekgoa.

Ka di 21 Seetebosigo 2020, Moaposetole Nene o tlaa tshwara tirelo gotsweng Silvertown. Tirelo e tlaa tshwarwa ka isiXhosa mme tlaa ranolwa ka Sekgoa.

Ka di 28 Seetebosigo 2020, Moaposetole Joubert o tlaa tshwara tirelo gotsweng Sandton. Tirelo eo e tlaa tshwara ka Afrikaans mme tlaa ranolwa ka Sekgoa.

Ke tlaa lo direla ka di 5 Phukwi 2020. Morago ga tirelo eo ke tla lo itsise ka thulaganyo ya rona ya go boela kwa ditirelo tsa ko kerekeng.

BOKHUTLO JWA KGASO